



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput III. Reflexio ad superiores regulat.

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

gusta porta, & arcta via est, qua ducit ad vitam, & pauci sunt qui invenerunt eam. Matth. 7.
Regnum celorum vim patitur, & violenti rapiunt illud. Matth. 11.

Diliges Dominum Deum tuum ex toto corde tuo, & in tota anima tua, & in tua mente tua. Matth. 22.

Si quis vult venire post me, abneget semetipsum, & tollat crux suam quotidie, & sequatur me. Luc. 9.
Qui non renunciat omnibus que possidet, non potest meus esse discipulus. Ibidem.

Si quis venit ad me, & non odit patrem & matrem, &c. adhuc autem & animam suam, non potest meus esse discipulus. Ibidem.

Oportet semper orare, & non desiccare. Luc. 18.
Vigilate omni tempore orantes, ne digni habeant fugere omnia ista, & stare ante filium hominis. Luc. 21.

Quicumque baptizati sumus in Christo Iesu, in morte ipsius baptizati sumus: conseptuli enim sumus cum illo, per baptismum in mortem, ut quomodo Christus surrexit a mortuis per gloriam Patris, ita & nos in novitate vite ambulemus. Rom. 6.

Qui utuntur hoc mundo, tanquam non utantur. 1. Cor. 7.

Qui vivunt, non sibi vivant, sed illi qui pro ipso mortuus est. 2. Cor. 5.

Que sursum sunt querite, que sursum sunt sapientes, non que super terram. Mortui enim estis, & vita vestra abscondita est cum Christo in Deo. Coloss. 3.

Qui sunt Christi, carnem suam crucifixerunt, cum vitiis & concupiscentiis. Galat. 5.

Hec est voluntas Dei, sanctificatio vestra, ut scias unusquisque unde suum possidere in sanctificatione, non in passione desiderii, sicut & gentes que ignorant Deum. Thessalon. 4.

In omni conversatione sancti sitis. 1. Pet. 1.

Qui dicit se in ipso manere, debet, sicut ille ambulavit, & ipse ambulare. 1. Joan. 2.

Nolite diligere mundum, neque ea que in mundo sunt. Si quis diligit mundum, non est charitas Patris in eo. Ibidem.

C A P U T III.

Reflexio ad superiores regulas.

22. **A**llatas capite praecedenti regulas serio meditetur, quicumque vult vivere christiane. Perpendat etiam quid Deo pollicitus fuerit in baptismino, quando factus est civis Sanctorum, discipulus, ovis, palmes, membrum, & sponsa Christi, quando factus est peculium, templum, & filius Dei. Perpendat (inquam) qualem ab ipso vitam tam sublimes postulent qualitates. Perpendat quid ratio postulet, non ratio antecedens, sed consequens documenta sacra, duobus capitibus praecedentibus exhibita. Hinc utique perspicuum erit, quam pauci sunt re, quam multi solo nomine Christiani. Perspicuum, quam paucorum animis impressa sit vera notio professionis Christianismi. Perspicuum, quam immane distet ab Evangelicis regulis, & a ratione vere christiana,

Moralis Theologia, si dici debeat Theologia. Perspicuum denique, quam praeponere eamdem ipsi fundaverint in ratione pure humana; cum fundari nequeat, nisi in ratione christiana, de qua D. Basilius Moral. regula 8. c. i. Cujusmodi esse Christianos ratio vult? tamquam discipulos Christi, qui ad ea se tantummodo conformant, que videant in ipso, vel que audiant ab ipso. Tamquam oves Christi, que solam audiunt vocem Pastoris sui, &c. prout ex ipso deductum est a n. 9. ad 18.

Unde cap. 22. subjungit: *Quid proprium Christiani? fides qua per charitatem operatur...*

Quid proprium Christiani? ut per baptismum denovo ex aqua & spiritu generetur. Quid proprium ejus qui natus est ex aqua? ut quemadmodum Christus peccato semel mortuus est, ita ipse etiam mortuus sit, & ad omne peccatum immobilis, sicut scriptum est: Quicumque in Christum Iesum baptizati sumus, in mortem ipsius baptizati sumus. Conseptuli enim sumus cum illo per baptismum in mortem, hoc scientes, quod vetus homo noster simul crucifixus est, ut destruatur corpus peccati, ut ultra non serviamus peccato. Quid proprium ejus qui natus est ex spiritu? ut pro data sibi mensura, illud fiat, quod est id ex quo genius est, sicut scriptum est: Quod ex caro natum est, caro est; & quod natum est ex spiritu, spiritus est. Quid proprium ejus qui denovo natus est? exire veterem hominem, unde cum actibus ejus, & cupiditatibus, & induere novum, qui renovatur in agnitionem, secundum imaginem ejus qui creavit illum, sicut scriptum est: Quicumque in Christum baptizati estis, Christum induistis. Quid proprium Christiani? mundari ab omni iniquitatem corporis & spiritus, & perficere sanctitatem in timore Dei, & charitate Christi, & nullam habere neque maculam neque rugam... sed esse sanctum & immaculatum, & edere corpus Christi, & bibere sanguinem. Quid est proprium illorum qui manducant panem & bibunt poculum Dei? servare perpetuam memoriam illius, que pro nobis mortuus est & resurrexit. Quid est proprium eorum qui tales servant memoriam? ut jam non sibi vivant, sed ei qui pro ipsis mortuus est & resurrexit. Quid proprium Christiani? ut in omni re iustitia ipsius sit major iustitia Scribarum & Phariseorum, pro mensura doctrinae Dominica, qua est secundum Evangelium. Quid proprium Christianorum? ejusmodi dilectio inter ipsos, cujusmodi ea fuit quæ dilexit nos Christus. Quid proprium Christiani? providere Dominum in conspectu suo semper. Quid proprium Christiani? quotidie & singulis horis vigilare, & assidue paratum esse ad eam perfectionem, per quam placeat Deo, illud scientem, venturum esse Dominum horum illarum, quæ non sperat.

En specimen Moralis Christianæ. Hoc vita 24 genus, quod christiana ratio ab homine exigit Christiano. Altissima ista Philosophia, quæ docetur in schola Christi, non mundi. Sed proh dolor! quam procul inde distat vita innumerabilium Christianorum, qui sic vivunt,

quasi sibi solis vel mundo nati essent, ad frumentum utique honoribus, divitiis ac deliciis secularibus. Quasi solum animales essent, non spirituales. Quasi solum ex carne geniti, non ex spiritu regenerati. Quasi solum essent filii Adam, non filii Dei. Quasi veterem hominem non existent, nec sepeliissent in aquis baptismatis. Quasi Christus non emisset ipsos pretio magno, nec acquisivisset sibi per mortem suam, ut qui vivunt, non sibi vivant, sed ei qui pro ipsis mortuus est. Quomodo enim Christo, vive Deo, non sibi vivunt, qui de Deo vix cogitant? vix affectus suos, & actus ad Deum dirigunt? quorum & vita tota vix aliud est, nisi temporalis sollicitudo, vix aliud nisi concupiscentia carnis, concupiscentia oculorum & superbia vita; vix aliud nisi carnalis cupiditas, & tara, si ulla, Dei charitas? Non illi profecti, sed ii soli Christo, non sibi vivunt, qui laudem & gloriam ipsius in omnibus querunt, nullamque dilectionem in alio expendunt, quod non ipse, aut propter ipsum sit; ita ut dicere queant: *Vivo ego, iam non ego, vivit vero in me Christus.* Soli proinde illi, quorum vita tota, continuus est cultus, continua laus Dei; adeoque continuum actu vel virtute divini amoris exercitium. Siquidem non colitur ille, nisi amando, inquit Augustinus epist. 120. ad Honoratum; *E quid est cultus ejus, nisi amor ejus?* 12. Trinit. 14.

CAPUT IV.

Ad superiores regulas Christiani omnes tenentur.

25 **A**T replicantem audio: doctrinam quidem & regulas Evangelicas, tribus prioribus capitibus allatas, optimas esse; continere tamen consilium, non praeceptum, saltem adstrictum omnium Christianorum.

At replica isti egregie occurrit Eminent. Cardinalis Bona in atreo opusculo, quod inscripsit principia & documenta vitæ Christianæ p. I. §. 6. ubi sic: „Quia plurimi sunt, qui tradita à Christo Christiana perfectionis documenta, nec discere nec servare volentes, ne illa temerè abjecisse videantur, ad illos dumtaxat speccare afferunt qui, claustris inclusi; à facultate alieni sunt; ostendam evidenter, (nota bene) quam sit inanis & falsa eorum persuasio, ut, hoc errore sublato, veritas patet facta clarescat.

26 „Verum quidem est dupli statu Christianorum vitam distingui, mundano & religioso. Uterque tamen, diverso licet tramite, ad eundem terminum tendit, & quod attinet ad proximam virtutem, ad mundi contemptum, ad paupertatem spiritus, ad amorem crucis, parviusque conditio est; hoc solo intercedente discrimine, quod Religiosi solemnium votorum, regularumque vinculis devincti, strictiori jure, quam mundani, ad perfectionem tendentur. In reliquis una & eadem vita ratio ab utriusque requiritur. Unum & idem Evangelium

omnibus praedicatum est. Cùmque Deus nihil precipiat nisi charitatem, nihil prohibeat nisi cupiditatem, nulla in his differentia, nulla exceptio personarum reperitur.

Præcepit Salvator noster, ne quis verbum otiosum loquatur, rationem de illo redditurus in die judicii, ne quis irascatur, ne quis concupiscat: nec ullam videmus possum esse distinctionem inter Monachos & Conjugatos. Simili modo, cùm dixit, beatos esse qui lugent, infelices qui rident: cùm docuit oportere nos semper orare; omnibus renuntiare; vitam odisse; nos ipsis abnegare; injurias patienter ferre; intrare per angustum portam: nullum certe horum genus excludit.

Paulus item Apostolus, cùm omnibus Christianis, etiam conjugatis, filiosque nutrientibus scriberet, nonne ab illis omnem exigit vita Monastica disciplinam? *Habentes (inquit) alimenta, & quibus tegamur, his contenti simus,* 1. Thym. 6. Quid amplius ab Anachoretis requiret? Petrus quoque & Jacobus Apostoli, nonne ad omnes Christi fideles scriberant: cùm eos hortabantur, ut essent *sanceti, integri, perfecti, in nullo deficiente*, 1. Pet. 1. Jacobi 1. Christus denique, cùm dixit: *Estate perfecti, sicut & Pater noster caelis perfectus est,* Matth. 5. sermonem habuit ad omnes in se credentes, quibus altissimum sanctitatis scutum præfixit, ut omnes qui per adoptionem filii Dei nominamur & sumus, Patris perfectio nem amulemur.

Magna utique cunctis Christianis sanctitatis necessitas indicata est, ne à paternâ hæreditate tamquam degeneres excludamur. *Habetus sapientissimus pientissimusque Cardinalis.* Qui etiam p. 2. §. 3. loquens specialiter de cruce, sive abnegatione, Christianis omnibus necessariâ, sic pergit: „Tota vita Christiani crux esse debet & abnegatio... nec quis quam poteſt redēptionis fructu potiri, nisi per crucem. Hinc necessitas indispensabilis cora est abnegandi semetipsum; quod qui præstatre recusat, Christi discipulus esse non potest... Si quis vult post me venire, abneget semetipsum, & tollat crux suam... Non dixit abnegandam dumtaxat superbiā, crāpulam... dīvitias, possessiones... sed jubet etiam ut abnegenus nosmetipsum, proprios sci-licet affectus, & quidquid suggerit & opera-tur in nobis spiritus Adæ. Hæc omnia prorsus à nobis revellere debemus, & carnem nostram crucifigere, cum vitiis & concupiscentiis suis, vitamque Christi crucifixi in nobis exprimere. Durus est hic sermo carni & sanguini: sed in hoc Christi fides, in hoc salus nostra consistit.”

CAPUT V.

Eamdem obligationem affert probatque D. Basilius.

Non ex semetipso doctrinam illam obligantemque tradidit Cardinalis ille sapientissimus, sed eam ex SS. Patribus, Basilio,